

PVMETKV OHFEYICVLKE.

Este Maskoke Tvlwv Vike Nvkaftte vhakv hayat :

SETENTVCKE 1. Hiyomat Ekvwarke epakat (6) svrahrvkvt Ekvntvcke Ohhvketecev Enwiketvt haketos, Tvlwv Vike Emekkot este ohmellen Tvlwv Vike Nvkvfttet semohhvkvsamet omvres, momen emvtotketv tvsekvyvtoko vtotkviken (Pvmet) cokvn semossicet mv ohfvtecv feyickvn feyvkoecet ohrolope hokkolen Enwiketv sehoket omvres.

SET. 2. Ohhvtvlake vhakat: Heyv vhakv eshoyahne cryopvn, heyv Etlwv entvsekiyv estomis tvsekiyv tokon pvletvn eyacen omat hvte momeceko monket, mv tvsekiyv tokatet emvcolkv ohrolope palen cenvpohkicet (18) momet hoyvneicicetis ont on omattan, heyv vwiheke vhakv estome enfiyatate vcvkvyen momecet omvres. Enhvteceskv heyv vhakv estome makate vcvkvyen (Pvmet) cokvn Kvntvckv Ohhvketecevn empohhen enhecike tviken omet omvres; momen tvsekiyv estomet (Pvmet) cokv heckocecko monkv tvsekiyv tokon palet on omat naorket omvres, momen tvsekiyv estomet tvsekiyvtokon pvlet ont omattet etenfvtecev etenhayat cokv esohcoykvket Kvntvckv Ohhvketecev ennak-vfvstetv ofvn eskerkvt sekot omen eshechoyet on omat, heyv-vhakv emeyackv vcvkvyetat vhakvn kvcetot omat asfvteckv oricet omen cvtoknawv palen hokkolohkaken (\$12.00) fekvrant tviket omvres.

SET. 3. Ohhvtvlake vhakv hakat: Heyv vhakvn kvchoyeto vtekat Kvntvckv Fvtcecevn enkerkoecen em encorvkkohkakvn ohtohken mv estefeyickv vhmkocevn estefeyvkoecet Tvlwv vlke Encvtoknap Hotten ohceyicvrane Kvntvckv ohhvketecev emvtotketvt omvres. Kvmesvnlke tvsekiyv tokat sossicvrant esvtotketv yekcetv em-me vhakv ohrolope 1893 omof hakvte ocaten omvlkvn Kvntvckv Ohhvketecevlke esvtotket omvres. Kvntvckv Ohhvketecevlke svrahrvkvt Este Maskoke entvsekiyv

este momvr tayan encokv hayv ohmellepvre emetektvknkvet omvres, momen mv cokv.hayvlke emvtotketv mv enwiketv ofv nak vfvstetv ocape vyecicaten omvlkvn fvtecv heren eskerkv hahicet ocet omvres. Mv Cokv Hayvlke momen Kvntvckv ohhvketecevlke esyomat svrahrvkvt estefeyvkoecet cvtoknawv esheckat cvtoknawv hvmkat kvnsatkv hvmkv aosset emvtotketv senfeketv enheckaket omvres.

SET. 4. Ohhvtvlake vhakv hakat: Tvsekiyv estomis tvsekiyv toko vtotkv emvcolkv ohrolope palen cenvpohkicet momet senhoyvneicicetis palet on omat Pvmetkvn ohfeke vlket omvres, momen Pvmetkv estomen enhofone hvse pale hokkolohkakat senhoyvne ossihoccekot omvres. Pvmetkv vtekat oketv respohye enyopv netta palat a emofvn rohmocsvvkoehocet omvres.

Cvpofv ohhvtotkvike omakat hvse vrahkv cvtoknawv hvmken momet koko hayvlke omvke vyecicat hvse vrahkv cvtoknawv hvmken Kvnsatkv hvmken fehoket omvres. Momen ohrolope vrahkv cohfeke nak wieyvlke sasat tvsekiyv toko esnesvlke pvle svpakletayat hvse vrahkv kvnsatkv hokkolen fekaket omvres. Tvsekiyv toko heyv vhakv emelece Pvmetkv ocvke sasat vpockvtotkviket palen wakv eckvlke pesse-hafkv estotcenan esyomat ohfehetev sekon ekvvn tvleme ohfekonicepe ohnanopicepvre emetektvknket omvres. Momen mv mome tvsekiyv toko pvlhoye sehokat sokhv estomomosen ocaken omat ekvvn enrvkke satke hokkolat senhoyvnekon entohopkicet emvkhokten mvn vtehet omvres, momen vpock vtotkvitot, remetvtot estomis ensolke resemtvlet mv tvsekiyv toko pvlhoye sehokat enaket ekvvn tvlemen ohfollen hechoyet on omat Etlwv emvhakv vpockv ascheocckv emvhakv setentvcke emvhvkvtkv 335 ocatet mv tvsekiyv este vtotkv pvle hoeran hlvitet omvres.

Ohhvtvlake vhakv hakat: Tvsekiyv toko estomet koko momet tohopke estomepeto estomis epocasvre emetektvknket mont pvlwoseto estomis a vlikekot omvres; momen Este Maskoke Etlwv emekvvn estomen tvsekiyvtot monkat tvsekiyv toyis makis areaset omen ennesoyetot, monkat estenwiketot,

monkat estomen ekvvn hlvtte ometot, monkat estomen epocase oket estohrvkpvletis ocet on amat Estecake vrahkv Wvcenv emvhakv setentvcke emvhvkvtkv 2116 ocaten vnrpct omet enyekce esekot stomeckv orekot enhvperkv omvres kometvt os hiyomat.

Ohhvtvlake vhakv hakat: Heyv vhakv emvheckv ocakat tvsekiyv toko Pvmetkv ocake sasat etotis monkat pvhetis wocotet, monkat tofvlahletis momet toselkv omakat hayet, monkat cvtto-kolkvtis enkorret, monkat Etlwv ofv nak emmonkv lokce sasat emettetis eme mahosat esevnicepvrana wiewepvretat emetektvnecekot omvres, momen heyv vhakv emvheckv ocakvn estomen kvchoyet on amat mv mome Pvmetkv oce este tvsekiyv toko hoervte heyv vhakv emvheckv acakat emelec nake etektvneke enhahice ocakvte omvlkv emenlvperken mv nanvke cvta-kolkv, eto, momet nak remetkv heckoecevt omvlkv Etlwvn ohfolhoecet omures.

Ohhvtvlake vhakv hakat: Kvntvckv Ohhvketecvlke Enwiketv emvtotketv esohceyeko monket heyv vhakv ofv estomet omvres. make ocakat vcvkvye ore heren vfeckvthe taranat tot momet Pvmetkv estohfeyicat enhotoska vrahkv enfeketv a ossicchepe crvhoskat omvlkv Kowatv emeyoksat vtekat CvtoKnep vfastv fatcosen ahelvpket a enfeket omvranat svrahkv Cokv Sehvlvtkv enrahkv cvtoknawv Cokpe Rvkkv Hvmken (\$1000.00) chlvtepoecet a-en sehokv emohhvkvsvmhoye ocet Tvlwv Vlke Encvtoknap vfastvn etenhayaket omvres. Momet Kowatv svrahvkv Enwiketv emvtotketv esfackosen fvtev heren CvtoKnep vfastvn eme ohkerkocet omvres. Kowatv vrahkv e ohkerkoevranvtet momecekon Kowatv emeyokise enyopy netta palen cahkepohkakat hoyanet on amat Catoknap Vfastv Tvlwv Vlke Emmekkon enkerkocen vhmkoavn ossihcet mv etektvnan vkocoknose ohmelletvn esohfvecet omvranen emvtotketvt omvres. Kvntvckv Ohhvketecv Enwiketv ofv emvtotketv estomake vyecicat ohrolop omvlkv Tvlwv Vlke Nvkaftan em cyoh kerkocet omvres.

Ohhvtvlake vhakv hakat: Kvn warke Svrahvkv Kvntvckv

Ohhvketecvlketat tvsekiyv toko estomvken Pvmctkv emenlvperkoecet monkat emencaken amat mv momecan'vpakoset lvpken enhocchokvn etemoh-kerkoc-caket omvres. Momet mv mome tvsekiyv toko vnrpkv enhahoye sehokat Kvntvckv ohhvketecv estomet Pvmetkv emossicekot omvres, momis mvn emossicesaset on amat Cokv Sehvlvtkv hayvtet afeket omvres.

Ohhvtvlake vhakv hakat: Tvsekiyv estomet tvsekiyv toko estomen vhakv vcvkvyen esvnrpkn enhayvtan eskerkv hayvvtet ocet on amat Pvmetkv emossihocet omvres, momen este tvsekiyv toko estomen Pvmetkv emossihocet omvteto estomis mv este pometlvwv ofv ohfekhonne taye enherre orekot omvteton kerket on amat Pvmetkv emenlvperkoecet omvres momet mv este Etlwv vvmahkv omen ohnekehoyet omvres.

Tvsekiyv este vtotkv pale hoerat momen tvsekiyv toko vtotkv pvlhoye hoerat etenfvctetv etenhayat cokv escoykvten Kvntvckv Ohhvketecvt hayepocaket omvres hvte mv tvsekiyv tokat Pvmetkv emossiceko monket momen mv etenfvctetv Kvntvckv ohhvketecv en nak vfvstetv ofvn eskerkoevket ocet omvres.

Ohhvtvlake vhakv hakat: Mvhakv-coko Ohhvketecvlke cokv-mvhayvlke pvlepvre heyv vhakv ofv naket emvnttecekot omvres. Este emenak ockv estomet este emvtotketv hayepe ocepat toko vtekat heyv vhakv emvheckv acakat emelec este-feyickv este ohwakketo vtekat encawe sohfehokvre esentvokat sekot omvres, momen vhakv omvikvtot monkat vhakv vplwosetis heyv vhakvn vnrpct sasen amat hiyomat omvlkv kvceket os.

Otvoskv Rvkkv ennetta 30, 1894, Ohhvkvsvmkv haket os.

EHOLE ENT. 6, 1893, TVLWV VLKE NVKVFVE HON.
L. W. COLBY VHAKV HAYV PALE
VHAKV HAYVTE ELECAT.

Este Maskoke Tvlwv Vlke Nvkatte vhakv hayat: Ehole ennetta 6, ohrolope 1893 omof Tvlwv Vlke Nvkvtet vhakvn eshayet Hon. L. W. Colby hoccfke Wasentv Etlwv ofv liken Estecatvke naorketv hayvte oponvyeckv etetakochocce ocat tot momet hiyome renyopvtis mv oponvyeckv omat chomvtot monkat Wvcenv Enfvteeckv Hvlwe chomvtis akvwvphoyewitis oceton omat mvn emvhakv hayvt omet emoponvyvren palvte ocat hiyomat aslet os momen Etlwv encvtoknap escvkwv hvmkoset momet vnvcometo estomis mv vhakv okat emelecv nak estomepen svkerrickvto estomis sossihocckot omvres momen Tvlwv Vlke Emmekkot mv L. W. Colby vfekhonnicet omhoyat heren enkerkoecvren enkerkoecet os.

Otvoskv Rvkko ennetta 30, 1894, Ohhvkvsvmkv haket os.

CATO-KOLKV EMVHAKV EMVHERICAT.

Cvtokolkv enkorretv esvrahkvn Este Maskoke Emetvlwv ofv cvtokolkv enkorretv etetakoece Rvfo Rvkko ennetta 5, 1887, omofv vhakv ohhvkvsvmkv hakvte ocan semvhericet vhakvt haket os.

Este Maskoke Emetvlwv ofv okevnwv oekiewvtot oeki'nehatot, kolke eshayetvtot, cowv heleswvtot momet nak remetv omakat, cvtoknap laac momet cvtoknap hvtke toko vtekat

omvlkvt Etlwv em enak ockvt omen wiewepet komat estomen komat enfiyvtepe tayet omekv.

Hiyomat

Este Maskoke Tvlwv Vlke Nvkafte vhakv hayat: Mv vhakv Rvfo Rvkko ennetta 3, 1887 omofv hakvte tat hiyomat okcvnwv, oeki-neha, kolke eshakv, oeki-heleswv momet nak rem etv omakat catoknap lane momet cvtoknap hvtke toko vtekat omvlkvn svpvken hayet os, heyv onpvv nanvke makan estomaten vrvhecet enkorretv komet emetohkvkvtetv hahihocet on omat enhvtceskv heyv vhakv emvherice vhakv likat ofv nanvke estomakan esvrahvkv svheckv ocakate vcvkvyen ectetakoehce tvlket omvres, momet estvmvn vteken estomece etetakoece mv nanvke emvhericet wiewet omvranat emetektvnecan vteken omet omvres. Mv emetohkvkvtetv haye enkorrvlke sehokat Tvlwv Vlke ohhvyeicvranat vhakv Rvfo Rvkko ennetta 3, 1887 hakvte vhakv emvheckv ocakat vcvkvyetat mocv ayat hiyomvken ohfekaket omvres: cvtto-kolkv vtarkv cokpe-rvkko hokkolat hoporrenkv cahkepet omvres, cvtto-sokpvt vtarkv cokpe-rvkko hokkolat hoporrenkv totcenet omvres; ekvnv nehat vkerkv pale cahkepice towvkv' hamkat hoporrenkv ostet omvres; kolke eshayetv enkorkv svrahvkv wichoyat ohrolope vrahkv cvtoknawv pale hokkolen cahkepohket omvres; momen nak remetv ayat estvmvn heckochocet omen mv-mvn enrahkat estomosen omat cvtoknawv hvmkat hoporrenkv cahkepe aosset omvres.

Heyv vhakvtot momet heyv vhakv emvherice vhakv ocat emelecv emetohkvkvtetv ehahicat heyv vhakv emvherice vhakv ocat emeyackv vcvkvyen enhvtceskvvat covk Schvlvtkv enrahkv cvtoknawv cokpe-rvkko palat asenyopvklvtkekon ehvlvtepoecvket Tvlwv Vlke Emmekkon etenhayaket omvres.

Vhakv omvlketot monkat vhakv vpvlwosetis enhomv hahakvtet heyv vhakvn vnrpvt sasen omat omvlkvt hiyomat kvceket os.

Ehole ennetta 5, 1894, Ohhvkvsvmkv haket os.

EKV FEKETV OHFVTCV.

Fste Maskoke Tvlwv Vlke Nvkaftē vkerrickv hayat: Tvlwv Vlke Nvkaftē ekv-feketv ohfvtecv cvtoknawv cokpe rvkko cokpe epake ohrolape 1893 omofv vhakv eshayvte hiyomat enyēkke oce monkvt os.

Ehole ennetta 5, 1894, Ohhvksamēt os.

ESTE MASKOKE SEMVPEYETV EMVRAHKVRE
VKVSVMEKAT.

Este Maskoke Tvlwv Vlke Nvkaftē vkerrickv hayat: Hiyome pohotte enrvhkv esfvcke fekeyvte ynokeekv emocceye herkv momēt afvcketv emofv vtehtēkepeye emcyoksiceyvre svrahkv-tat hiyome pomvhakv espomvpyetv po-men-mv-rah-koe-ce-tv n kont omekot pomvpeyēcet pomeste enhonrvk tempoken emoce tāre svrahkv-tat Wvcenv Enrvkrakv etēfvtecv vnvcome ehvltēpoece potēhayvte fvtevtos komēt mvn vsehokēt emonkv omētis os komēyetot enhonrvk emocēt ohhvksvmēye monkvt os.

Ohhvtlake vkerrickv hakat: Hiyome pomēkvnv ofv vhakv kacvlke omvlkv ohwetenike vfehonnictv kome Wvcenv Enrvkrakv vceyvllat ore heren esepofvckēt omēt emeyohkerkoeceyētos momēt vhakv emelev ponyēkke vtekat vhakv vnravvlke vhakv svfshotvre vnicetv vksvmēyet omēt ēkerkoeceyēt os.

Ehole ennetta 5, 1894, Ohhvksvmkv hakēt os.

HARRELL INSTITUTE OHHV FVSTV TENFVTCETV
VHOERVRE.

Este Maskoke Tvlwv Vlke Nvkaftē vhakv hayat: Harrell

Institute svhocefke Maskokoce Etlwv ofv Mahakv Coko rvkke likat Ohhfastv Este Maskoke Etlwv etēfvtecv etēhayvte ocatēt vevkvyen vhoerēt omvren enkerkoecevrānēt os. Tvlwv Vlke Nvkvte heyv vhakv hayān Tvlwv Vlke Emmēkkot Mv-hakv Cokv Ohhfastv n enkerkoecevrēn enkerkoeceēt os.

Ehole ennetta 5, 1894, Ohhvksvmkv hakēt os.

VPOEK-SOMKVE OHWIEYEPHOHY ENYOPV EPO-
CAS EHECAT.

Este Maskoke Tvlwv Vlke Nvkaftē vhakv hayat: Este estomet estofvtō estomis vpoek-somkvn estvlemoēhēt mont tvleme ohhoēhketv n wicyephoyē enyopv n emvpoekv n esheceptēt on omāt mv vpoekv n enakēt omēn fvtecv n hvlvtepe herēt omāt asfvteckv n momv r tayēn heckoēcevrānēt omvres momēn mv asfvteckv n momān heckoēceptēt on omāt emvpoekv n hvlvtepe herē oret omvres momis mv vpoekv n ohfvtecv eskerkv-tis hake vfvstētvtis oēc aye wīehoyvte estomomōsen Etlwv n ohfvtecv feket vycēcēt esohyv-mahkoēhōcēt omvten omāt enrahkv n omvlkv n ohfelke tvlken mv vpoekv n ohfolket omvres.

Ohhvtlake vhakv hakat: Este estomet vpoek-somkvn n ohhoēhketv n wīehoyēn nēsvtētōn epocaset mv vpoekv n ensomkv-tēt omvten omāt asfvteckv n heckoēcehpēt n ohmēn mv vpoekv n epocāsen yohfolkepetēt on omāt mv vpoekv n estēmēnrecopke hoerat estomomōsen cvtoknawvtōt monkat Tvlwv Vlke nēvto-knawv n ohhece cokvtis n esnēsēt omvten omāt mv ohfēkvte n enrahkv Corvkkohkāk v Enkvpetvnet Tvlwv Vlke nēvto-knāp n vfastv n ohhecēn cokv n ehmen mv vpoekv n esnēsvtē aohfolkepetēt omvres.

Ehole ennetta 5, 1894, Ohhvksvmkv hakēt os.

TVSEKIYV NVKVFTEPAT EMVNAKV TVSEVIYV
TOKAT NAK WIEKOCV ESSVPVK-
LVRE SENTACKAT.

Este Maskoke Tvlw Vlke Nvkafe vhakv hayat: Heyv vhakv eshoyahne eryopv ayat tvsekiyv nvkvftetis hompetv cokotot monkat nak estome seafvccickv estomis etetakoecepe ocepat emvnavk tvsekiyv toko estomet mv este momc follepatet semvkvsvmet omekoto vtekat nak wikocv nakocetot, heleswvtot, oetoksetot monkat nak cvmcpvposetis wieye assvplvretat vhakv vevkvyekot omvres, mōmen heyv vhakvn kvchoyet on omat mv este vhakv kvce hoerat pvmetkv estomet etvlwv ofv vfekhonnvre emetektvncet omen hoeret omvten omat emenhvperkoehocvre seokepkv heret omvres.

Ehole ennetta 5, 1894 Ohhvkvsvmkv haket os.

S. B. DAWES VHAKV HAYV TVLEPORV ENWAKV
ASCEHOEHOCAT OHFVTCV EOHKERECE
OHHVKVSMHOYAT.

Este Maskoke Tvlw Vlke Nvkafe vhakv hayat: S. B. Dawes vhakv hayv Este Maskoke emekvnnv vhakv vevkvyeko tvleporv enwkv ascehoehocat vrahkv este tvsekiyv tokat oponvyeckv hayvte emvtotketv eohkerkoecat eenakoehcet, momet Tasahe Rvkko ennetta 7, 1894 omofv Tvlw Vlke Emmekko etenfvtcetv mv S. B. Dawes hocfkat etenhaye Este Maskoke Emetvlwv emvhakvhayv ohrolope hokkolen hoeret ohrolope hvmkat vrahkv cvtoknawv cokpe rvkko hvmken cokpe cahkepe vpake emvtotketv svrahkv enfeketv taranet tenfatcvte hiyomat ohhvkvsamet os.

Ohhvtvlake vhakv hayat: Tvlw Vlke Emmekkot mv S. B.

Dawes hocfkan cotoknawv cokpe rvkko totcenen aenfekvrannen enfyeeicet os mv etenfvtcetv etenhayvte ohhecen Este Maskoke Etlwv emvhakv-hayv emvtotketv tasahce rvkko ennetta 7, 1894 vteke vtecice ohrolope hokkole esiyvrnan.

Ehole ennetta 5, 1894 Ohhvkvsvmkv haket os.

WAKV ETVLWV ASCEHOECKV ESTACKAT.

Este Maskoke Tvlw Vlke Nvkafe vhakv hakat: Ecatv vevkvye Este Maskoke Etlwv entvsekvyv estometot, monkat eyohhvpvke hahoyvtetot, monkat ohhvteseto estomis Cvlvkke Emetvlwv monkat Cahtv Emetvlwvtot monkat Wvcenv Emetvlwv estvmvn asosseto estomis wkv estomen vpoek-hotte vkerkv hvmke follokat vtehkvre svrahkv ascehoecvre emetektvneket omvres.

Ohhvtvlake vhakv hakat: Este estomet heyv vhakvn kacet on omat vpoekv ascehoeckv estvcketv vhakv ocate ofv estefeyickv ocatet ohwvkket omen mont estvmv Kvntvckvn ofvn heyv vhakv kvchoyet on omat mv Enfvtcecv Corvkkohkakov emvcvnhinen mv tohopke semvfolotkvte cahwet hvtvphoecet omvres.

Ehole ennetta 5, 1894 Ohhvkvsvmkv haket os.

CORVKKOHKAKV WVCENV ENWIKETV EMVNICVRE
YEKCETV EMAT.

Este Maskoke Tvlw Vlke Nvkafe vhakv hayat: Tvlw Vlke Emmekkot Kvntvckv Svrahkvv Enfvtcecvlken emvcvnhinen

Emecorvkkohkakovn vhakv kvcvlke emetohkvkctv hayet pome-
tvlvw ofvn sasen heccwitet Wvcenv enwiketvt svlvkvkoecvrane-
witis ocof emvnicpoecevren enkerkoecet os.

Heyv vhakv emvheckv esohfvcecvre svrahkvn Kvntvckv
svrahrkv Corvkkohkakov Enkvpetvnlken tvsekiyv ensolke
estomoset tetayvr tayen omat emvnicv ohhoeket omvranen
yekcetv emet os.

Ehole ennetta 5, 1894 Ohhvkvsvmkv haket os.

TVLWV VLKE NVKVFITE NETTA ESOSTAT AEMOFVN
CVTOKNAP VFASTV ERV EMOHSATV TEPAKAT
OHROLOP OMVLKV EMEOHKERKOECE
OMVRANAT.

Este Maskoke Tvlwv Vlke Nvkaftv vhakv hayat: Heyv
vhakv eshoyahne eryopv ayat Tvlwv Vlke Encvtoknap Vfastv
momet Tvlwv Vlke Encvtoknap Eskerkoecv tepakat Tvlwv Vlke
Ennvkvftetv mahhe Nvkvfite enyopv netta ostat aemofvn em-
eyohkerkoecv envkecaket omvres:

Ohhvtvlake vhakv hakat: Heyv onpv enwiketv vlke hocf-
hoke ocat hvmkvtekis heyv vhakv emeyackvn esohfvcecekot
emvttcecet on omat enwiketv hoervte etektvnet haket os
kometvt ohmen Tvlwv Vlke Nvkvftatet vhmkoecv resohrvkv-
ranat temvrkvn hayet ahoericet omvres.

Ehole ennetta 5, 1894 Ohhvkvsvmkv hayet os.

VHAKV ESHECETV.

	CORV ETOR-GEV.
Epohhyteske	3
Mvhakv Coko Ohhvfastvlke	4
Estehopelkv emvhakv	4
Tvsekiyv hakeko nak'enwichoyve	5
Vkervkv vrahkv emvhericat	6
Kvntvckv Fvtceekv nvkvftetv totcenat	6
Etepyetv emvhakv emvhericat	8
Akervvlke hoehketv mvttecicat feyickv	8
Ecke-mel-lvl-ke ekenv enfyeeccicat	10
Vpoek-hotte mvhvnkvtkv kerkoeckv	10
Nvkvftetv-coko em vkerkv nvrvp	11
Pvmetkv ohfeyicvlke	12
L. W. Colby tenfvtcetv emelecat	16
Cvtto-kolkv emvhakv emvhericat	16
Ekv-fekaty ohfvtev	18
Espomepeyety emvrahkekare	18
Harrell Institute ohfvtev	18
Vpoek-somkv epocase heccapat	19
Tvsekiyv Nvkvftepat emvnav nak wiewocvlke essypvklekare	20
Tvleporv enwakv ascehoehocat emvhakv hayv S. B. Dawes	20
Wakv Etlwv ascehoeckv estackat	21
Corvkkohkakov Wvcenv enwiketv vmvnicvranat	21
Cvtoknap vfastv momet Erv emohsatv tepakat Tvlwv Vlke Nvkvfite netta esostat aemofv eohkerkoecakvranat	22